

سنه لکی در سعادت ایچون مجیدیه
یکرمی غروش حسابیه التمش
غروشدر

طشره ایچون بوسته اجرتی اوله رق
اون بش غروش ضم اولنور

نسخه سی ۴۰ پاره در

محرکات محاکمات

آبونه اولمق ایستینلر دائره عدلیه ده
اداره مخصوصه سنه مراجعت
ایتملیدر

اعلاناتک بهرندن بر مجیدیه اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه به متعلقدر

تبلیغات

اصول محاکمات جزائیة قانونک درت یوز قرق
بشنجی ماده سنده محرر جزای نقصدینک اداره می
یوقسه بالحا که قرار محکمه ایله می تحصیلی لازم که جکی
حقننده مناسرت استیناف محکمه سی مدعی عمومیلکندن
وقوعبولان اشعارده اصول محاکمات جزائیة قانوننده
کتبه دن اخذ و تحصیلی محرر اولان جزای تقدیلر کتبه نک
وظائف موکوله لر نجه منع تکاسلاری مقصدینه مستند
بر معامله زجریه دن عبارت اوله رق وظائف رسمیه
لرنجه مسامحه و تکاسل وقوعنده آله جغه نظراً آنی
موجب اولان تراخی و تکاسلک منسوب اولدق لری
محکمه نک هیئت عمومیه سنجه بالحا که ثبوتی حالنده
حکم اولندقدده صکره اخذ و تحصیل ایدلک لازم
که جکی جوابی انجمن عدلیه فاده سیله اعطا قلمشدر.

عدلیه نظارت جلیله سندن یازیلان ۷ تشرین ثانی
سنه ۳۱۲ تاریخی تحریرات عمومیه نک بر فقره سنده
ادعایامه ایله قرارنامه لزوم محاکمه ده دائرو یا خودیکدیگریته
معارض یعنی بری لزوم محاکمه و دیگری منع محاکمه به متدائر
اولدینی و یا یکی ده منع محاکمه حقننده اولوبده اعتراض
وقوعبولدینی حالده هیئت اتهامیه به کوندرلک اوزره
همان مدعی عمومی به تسیاری بیان و تبلیغ ایدلمسینه نظراً
ادعایامه ایله قرار نامه یکدیگریته مابین اولدینی تقدیرده
اعتراض واقع اولمسینه بیلینه هر حالده کیفیتک هیئت
اتهامیه به تودیی موافق قانون اوله میه جغه سندن بحاله
استفسار معامله ده دائر یانیه استیناف محکمه سی مدعی
عمومیلکندن وقوعبولان اشعار اوزرینه سالف الذکر
تحریرات عمومیه نک مندرجاتی ادعایامه ایله قرار نامه
بیننده موافقت بولنسون بولنسون اعتراض وقوعنده
هیئت اتهامیه به تودیی یولنده اولوب تلق اولنان معنایی
متضمن بولمدینی جهته بر مستنطقک جنایتله لزوم
محاکمه شامل اولمان قرار نامه سی اعتراض وقوعبول
لمقنن هیئت اتهامیه به تودیی معنایی مذکور تحریرات
عمومیه نک احکامندن استنباط اوله میه جغه بئاً بومثللو
مستنطق قرار نامه لری علیه نه وقوعبوله جق اعتراض

اوزرینه معامله قانونیه اجرایی طبیعی اولدینی انجمن
عدلیه دن فاده قلمشدر.

محاکمات مقدماتی

مصطفائی تهید ایتمسندن دولای مضمون علیه
اولان مسعودک اوچ هفته مدته حبسنه دائر طرابلس
غرب ولایتی استیناف محکمه سی جزا دائره سندن
ویریلان اعلامک تمیزی حقننده مرقوم مسعود
طرفندن اعطا و محکمه مذکوره مدعی عمومیلکندن
اسرا قلنان عرفحال ایله اوراق متفرعه سی لدی التددیق
مرقومک حال موقوفیتده اولدیغنه و یا خود مکافلاً
سبیلی اخلا قلندیغنه دائر اقتضا ابدن ورقه رسمیه بی
ویرمدیکی اکلاشلشمش اولمغله عرفحال مذکورک
ردینه محکمه تمیز استدعا دائره سنجه قرار ویرلمشدر.

عاینک بر نکاح ماده سندن دولای عبده علیه نه
محکمه شرعیه ده اقامه ایلدیکی دعوی شاهدلرینه رشوت
تعاطیمی صورتیه تحویل لسان ایتدیردک لری ادعاسیله
مضمون اولان عمر اغا ایله درویشک منع محاکمه لرینه
دائر معموره العزیز ولایتی هیئت اتهامیه سندن ویریلان
مضبطنک تمیزینه دائر ولایت مذکوره مدعی عموم
میلکندن تنظیم واسرا قلنان استدعایامه ایله اوراق
متفرعه سی تدقیق اولندقدده هیئت اتهامیه دن ویریلان
بومثللو قرارلر اصول محاکمات جزائیة قانونک اوچ یوز
یکرمی ایکنجی ماده سنده قابل تمیز اولمق اوزره بیان
وتعداد اولنان احکام قطعیه دن اولمدینی جهته قابل
تمیز بولنماسینه منی استدعای مذکورک ردینه محکمه
تمیز استدعا دائره سنجه قرار ویرلمشدر.

تکوش قضاسنک ولسان زیر قرینه سی اهالیسندن
محمد بن بکری قتل ایتلمندن دولای جنایتله اتهام
اولنان قریه مذکوره لی حسن بن حلیم و ولی بن
ابراهیمک اون بشرسنه مدتلرله کورکه قونلرینه دائر
سالنیک ولایتی استیناف محکمه سی جزا دائره سندن

اعطا قلنان ۳۸۵ نومرولی اعلام محکمه تمیز جزا
دائرة سنجه تصدیق اولمشدر.

محمد بن شهابک کیفیت قتلندن دولای جنایتله
اتهام اولنان قزانیه قرینه سی اهالیسندن اسماعیل بن
سودینک اون بش سنه مدته کورکه قونلسنه دائر
بغداد ولایتی استیناف محکمه سی جزا دائره سندن اعطا
قلنان یکرمی بر نومرولی اعلام محکمه تمیز جزا
دائرة سنجه تصدیق اولمشدر.

حوض باشی قریه لی قیونجی قوجه محمدک قتل
اولتمسندن دولای جنایتله اتهام اولنان آریق باش
قریه لی حاجی بک اوغلی یوسفک اون بش سنه مدته
کورکه قونلسنه دائر آیدین ولایتی استیناف محکمه سی
جزا دائره سندن اعطا قلنان یوز اون نومرولی اعلام
محکمه تمیز جزا دائره سنجه تصدیق اولمشدر.

برغمه قضاسنک حاجی الیاس محله سی اهالیسندن
طوپال اسماعیل اوغلی خلیک کیفیت قتلندن دولای
جنایتله اتهام اولنان تیمورجیلر محله سی اهالیسندن
زنحی نیحیک اون بش سنه مدته کورکه قونلسنه
دائر آیدین ولایتی استیناف محکمه سی جزا دائره سندن
اعطا قلنان ۳۵ نومرولی اعلام محکمه تمیز جزا
دائرة سنجه تصدیق اولمشدر.

اتنه قضاسنک سیات قریه سندن التی یارمق اوغلی
مصطفانک کیفیت قتلندن دولای جنایتله اتهام اولنان
قریه مذکوره لی التی یارمق اوغلی محمد علینک اون
بش سنه مدته کورکه قونلسنه دائر لازستان سنجاغی
بدایت محکمه سی جزا دائره سندن ایکنجی دفعه اوله رق
ویریلان قرق التی نومرولی اعلام محکمه تمیز جزا
دائرة سنجه تصدیق اولمشدر.

دیار بکری مغردیجک طسانی دلهرک درونسندن
اشیاسنی سرقت ایتمسندن دولای جنایتله اتهام اولنان
علی بن جوهرک اوچ سنه مدته کورکه قونلسنه دائر

دیاریکری ولایتی استیناف محکمه سی جزا دائره سندن ویریلان یوز قوق بر نومرولی اعلام محکمه تمیز جزا دائره سنجه تصدیق اولمشدر .

مغله لی ترزی بانئ اوغلی مصطفی افندیك كفت قتلدن دولای جنایتله اتهام اولنان حاجی عثمان اوغلی عمر چاوشك اون بش سنه مدته كوركه قونلسنه دائر منتشا سنجایی بدایت محکمه سی جزا دائره سندن اعطا قلمان یکر می بدی نومرولی اعلام محکمه تمیز جزا دائره سنجه تصدیق اولمشدر .

صوفیو قضاسنك یحیی بك قریه سندن حسن اوغلی احمدك كفت قتلدن دولای جنایتله اتهام اولنان عثمانی قریلی ابراهیم بن خلیلک اوج اوغلی اسماعیلک اون بش سنه مدته كوركه قونلرنه دائر دده اغاج سنجایی بدایت محکمه سی جزا دائره سندن ایکنجی دفعه اوله رق ویریلان یوز التمش سکر نومرولی اعلام محکمه تمیز جزا دائره سنجه تصدیق اولمشدر .

میخالیچیق قضاسنك بارقی قریه سندن علی عثمانی جرحله تعطیل عضوینه سببیت وردیکی ادعاسندن دولای جنایتله اتهام اولنان آخور قریه سندن طرانپه جی اوغلی مصطفانك اوج سنه مدته كوركه قونلسنه دائر انقره ولایتی استیناف محکمه سی جزا دائره سندن ویریلان ۱۰۳ نومرولی اعلام محکمه تمیز جزا دائره سنجه تصدیق اولمشدر .

۶۹ نومرولی نسخه ده مندرج درسعادت جنایت محکمه سی اعلامنك مابعدی :

مدعی عومیلک مقامندن اعطا اولنان بوصله ده اسماری محرر اولوب دعوت واقعه یه اتباعاً ورود ایتمکری خبر ویریلان شود بربر حضور محکمه یه جیقاریه رق وکافه سی ترکیه لسانه آشنا اولدقلردن بعدالتحلیف لسان ترجمانی تعیین قلمان باب عالی حاده سنده صوابجلیق ایدن یکر می آلتی باشنده استانه لی مانول ولد بنا یو ط واسطه سیله لدی السیوال مانع شهادت اوله جق درجه ده طرفنه برکونه قرابت ومناسبت وخصومتاری اولدیغی آکلاشیه رق واصولی وجهله تحلیقلری اجرا قلنه رق منفرداً ومواجهه استماع اولدقلرنده بولردن دارنجه ناحیه سنك انالیس محله سنده مقیمه قوجی اوغلی لیغور زوجیه سی قرق بش باشنده انتو بنت دیمتری ترجمان مرقوم واسطه سیله اشهاد ایدلرکه وقعه کیجه سی ساعت اوج راده لرده اکسانطوبلو اوغلی بنا یو ط عرب اوغلی میخالک خانه سی قیوسی اوکنه کاهرک وکرانه بزموک

وکارخانه جی دیه رک اطاله لسان ایله کیتدکن بر جاریک ساعت صکره تکرار عودت والنده بریحاق اولدیغی حالده (آدم بیه جکم) دیو تکرار اطاله لسانه مباشرت ووا ائشاده عرب اوغلی میخالک قوقلداغی آنتو خانه قیوسنك دلینکندن (بنا یو ط! بورادن کیت بزى بلایه صوفه جقسک عبیدر) دیمش ایسه ده مرقوم بنا یو ط اطاله لسانه مداومت ایتمسندن طولای عرب اوغلی میخال او یقودن او یانوب مرقوم بنا یو ط اطاله لسانه ایتمکله خانه سی قیوسی آجه رق طیشاری یه چقدیغی وبواننده اوغلی آدونک یانه کیتدیکندن زقاقده هر نه قدر کورلنی ایتمش ایسه ده صورت جریان وقعه یی کورده میوب تکرار بخیره یه کلدیکنده عرب اوغلی میخالک اورمش اولدیغی افاده مضبوطه سنه موافق اوله رق اخبار وعنده الاستیضاح مته م بنا یو طک الله یچجانی کوردیکی وسرخوش اولدیغی ومیخالک (بنا یو ط نی یاره لدی) سوزنی ایتمدیکنی وحقنده شهادت ایلدیکی شخص حاضر بولنان مته م بنا یو ط ایدوکی علاوه کفتار ایلدی .

محله مذکورده اها لیسندن الی بش باشنده قوجی پترو زوجیه سی القو بنت ظفیری ترجمانی واسطه سیله صورلدقه شاهد آنتونک افاده سنه مرافق وافاده مضبوطه سنه مطابق اوله رق بیان حال واتحق میخالک قویه طون وکوملک ایله چقدیغی ومرقومک قارشو سنده کی خانه سی بالقونی آلتنده چکلمش اولان میخاله برقرارش طولنده اوافق برتخته یارچه سیله اوردیغی وهر ایکسی قوشوشغه باشلادقلری ومیخالک اوف دیه رک فریاده باشلادیغی و بنا یو طک الله یچجاق کورمدیکنی وعنده الاستیضاح مته م بنا یو طی تشخیص ایتدیکنی ومیخالک (کولک یخی بدی) دیدیکی ایتمد یکی علاوه مقال ایلدی .

ینه محله مذکورده ساکن کل یانی کریمه سی التمش یاشلرنده قانتقو دخی ترجمان مرقوم واسطه سیله سولند برلرکه شاهد التقونک افاده سنه موافق وافاده استعلا قیه سنه مطابق صورته اخبار ماده وعنده السوال ایکسی برلرکه قوشوشمقده اولدقلری وحقنده شهادت ایلدیکی شخص حاضر بولنان مته م بنا یو ط ایدوکی افاده سنه علاوه ایتدی .

شاهده آنتو والتقو قانتقونک شهادتلی ختام بولدقه نه ده جکی مته م بنا یو طدن صورلدقه کندوسی میخالک خانه سنه کیتمدیکنی وبرکونه اطاله لسانده بولندیغی ومرقوم میخال انشته سی مانول ایله کندوسی برابر ضرب ایلدیکری سوبلدی .

طرفینک توسیع تحقیقاته متعلق بشقه مضاللی اولدیغی آکلاشلمه سی اوزرنه تحقیقاتک بوندن عبارت ایدوکی بیان اولندقه معاون مومی الیه مته م

بنا یو طک میخالی جرح و قتل ایلدیکنی استماع اولنان شاهدرلک شهادتی ومعاینه راپوری مندرجانی ومقتولک قبل الوفات ضبط اولنان صورت افاده سی دلالتی ایله ثابت اولدیغندن مرقومک اولوجله مجرمیته قرار ویرلسنی طلب ودعوی ایلدی .

مدافعه وکیل امین افندی دخی متوفی میخالک یکر می کوندن زیاده خسته نه جق درجه ده جرح ایلدیکی واتحق اشبو جرحدن متأراً وفات ایتدیکنی راپور ایله متحقق اولوب مؤکلتک ایسه ذاتاً منازعه یی اقرار ایتدیکنی کی متوفای مرقومک بشقه بریسیله منازعه ایتدیکنی حقنده دخی برکونه اخبار بولنامش ایسه ده شهادتک یکر می یانه مابین بولدیغی ومیخالک وفاتندن صکره تشریح ایلدیکندن وفاتنک جرح مذکوردن وقوع بولش دینله میه جکی ومتوفی میخا لک الله تحت یارجه سی اولدیغی حالد چیقوب مؤکلتله اوردیغی شهادتله مثبت ایدوکی جهتلرله مؤکلتک اول امرده عادى جارج بولنق وبوجهت قبول ایلدیکنی صورته مقابله جارج اولق اوزره مجرمیته قرار ویرلسنی استدعا ومته م بنا یو طک بشقه بریه جکی اولدیغنی انبا ایتلرله محاکمه ک ختام بولدیغی طرفنه تفهیم اوله رق هیئت مذا کره او طه سنه چکاردی .

(مابعدی کله جک نسخه یه)

اوجوز اون بدی سنه سی کانون اولنک اون التنجی کیجه سی ساعت بر قرارلرنده صولی مناسترده جاده ده یازمه جی مهران جرح و قتل ایلدیکی ادعاسیله مته م بولنان دو که جی قره بت حقنده اجرا قلمان محاکمه نتیجه سنده مرقومک انشای منازعه ده بالتهور مهرانی جرح و قتل ایلدیکی واشبو وقعه دن مقدم دخی دو که جی بروسلی اغوی ضرب وجرح ایتدیکنی مته م مرقومک صورت افاده سی وشاهد لرک اخباراتی ومعاینه راپور لری مندرجانی ایله ثابت اولدیغندن مجرمیته واعظم جرمی اولان قتل فلندن طولای قانون جزانک یوز یتش دردنجی ماده سنك فقره اولاسنه توفیقاً اون بش سنه مدته کورکه قونلسنه محکمه جنایتیه قرار ویرلشدر .

غزته موزغلرندن احمدک جرح و قتلدن طولای مته م بولنان علی بن تمل حقنده اجرا قلمان محاکمه نتیجه سنده مرقومک بالتهور فعل قتل مذکور ایقاع ایلدیکی شاهد لرک علی الدرجات وقوع بولنان اخباراتی ومعاینه راپوری مندرجانیله ثابت اولدیغندن مجرمیته وقانون جزانک یوز یتش دردنجی ماده سنك فقره اولاسی حکمه توفیقاً اون بش سنه مدته کورکه قونلسنه محکمه جنایتیه قرار ویرلشدر .

فیروزاغالی عبداللهک فنی سرق ایدن فرونجی علی بن خلیلک اوج آی حبسنه وضبطیه جه کفالت الله الخسنه قوندیره جی محمدی ضرب ایدن غارصون طریانده فیلک بر هفته حبسنه

قوری چشمه ده ساکن یاقونی ضرب وجرح ایدن تنکجی اورامک بر هفته حبسنه قیوه جی یوسفی ضرب وجرح ایدن جیق صالنده مقیم غیطنجی سامانوفدن بر لیرا آله رق مجروحه اعطاسنه

فری کوننده ساکن احمد بن عاصم ایله دولاب دره موقعنده مستخدم پولیس جمال الدین افندیك یکر می کری ضرب ایلدیکری ثابت اولدیغندن جمال الدین افندیك بر هفته واحده اون کون حبسارینه

بشکطاشده بقال پاریسیخک اچمه سی سرق ایدن جراق قله آتینک سکر آی حبسنه واماننده محفوظ اولان مسروق اچمه ک پاریسیخه اعاده وتسلیمنه سعیدک پاره سی سرق ایدن وعین فعلدن دولای محکومیت سابقه سی بولنان بلاطه قره باش محله سنده ساکن قولتو یقی یاسفک آلتی آی حبسنه

قاضی کوی مرکزنده مستخدم پولیس مأموری خالد افندیك اجرای مأموریت حالنده قیوه جی چراغی محمدی ضرب ایلدیکی ثابت اولدیغندن بر هفته حبسنه

رنجیر محمدی ضرب ایلدیکی تحقق ایدن لیمونجی اندونک چراغی طناش ولد سیمونک اون کون حبسنه پولیس مأموری محمود صرافندی یی ضرب ایدن ایزمه موقعنده مستخدم ژاندارمه اونباشیلرندن اسماعیل اغانک اون کون حبسنه

اسکدارده طاع حمامنده ساکن دلال جوانک اسرائیل ضرب ایلدیکی اکلا شلادیغندن بر آلتون آله رق مضروب اعطاسنه

بلغورلی قریه سنده ساکن نوری پهلو انه اطاله لسان ایدن قریه مرقومه لی صدرالدین بکدن بر آلتون جزای نقدی آلمسنه

پولیس مأموری سامی افندی یی تحقیر ایدن بازیدده ساکن آشجی نجیبدن بر آلتون جزای نقدی آلمسنه

قوزغنجقده ساکن سراندی وطودوری یی ضرب ایدن فرانسه دولتی تبعه سندن صلامون قوهندن ایکي آلتون آله رق مضروبله اعطاسنه

اسکدارده قوشو بولنده ساکن باغجی اسماعیل اغانک عزیز اغانی ضرب ایلدیکی ثابت اولدیغندن بر هفته حبسنه

طوبقپوده بازید محله سنده ساکنه صدرک خاتمه محل ناموس سوز سوبلدیکی ثابت اولان زیور افندیك ایکي آلتون جزای نقدی آلمسنه

قاسم باشالی واحده خاتمه محل ناموس سوز سوبلدیکرک تشهر سلاح ایلدیکی اصولاً ثابت اولان خاتمه مسجد محله سنده ساکن مرانغوز حافظ اسماعیل افندیك اوج ماه حبسنه

اغا جامع شریفنده حمام زقاعنده ساکن بغوصک اشپاسنی سرقه تصدی ایدن بانینک هنوز سن رشده واصل اولماسندن ناشی قرقجی ماده قانونیه یه توفیقاً ولینسه تسلیمنه

بولان دولتی تبعه سندن اسمینه بنت یساندینک یوزوکی سرق ایدن قیوه جی نیقولی ولد اندونک اوج ماه حبسنه ویرسنه ضبطیه نظارتی آلتنده بولندیر لمسنه ومسروق یوزو کک صاحبیه اعاده وتسلیمنه درسعادت بک اوغلی واسکدار بدایت محاکمی جزا دائره لرنبه حکم اولمشدر .

معاملات انتباهیه

بهستی قضای بدایت محکمه سی اعضاسندن اسکندر افندیك اخذ رشوتله وظیفه مأموریتی سوء استعمال ایلدیکی معموره العزیز ولایتی استیناف محکمه سی مدعی عومیلکنبه اجرا قلمان تحقیقات اوراقی مندر جانندن آکلا شلادیغی جهته جرمنه مدخدار اولانلر حقنده ده توحید تحقیقات ومحاکمات اولنق اوزره مومی ایله اسکندر افندیك محاکمه آلتنه آلمسنه مآذونیت ویرلرکه مذکور مدعی عومیلکک تبلیغات لازمه اجرا ایدلشدر .

اعلانات

درسعادت استیناف مدعی عومیلکنبه : خالی تیارندن ایرانی حاجی حسن اغانک خواه سندن سرقه تصدی ایلدیکی ادعاسیله مظنون اولوب غیر موقوف بولنان صادی بیق وقاش وصاجلی ، الا کوزلی ، اورته آلین وبرونلی ، آزیچچک یوزلی ، دوز

چکلی ات یز جوارنده والده سی خدیجه خانمک خانه سنده ساکن طاووق صایجلرندن یکر می باشنده استانبولی عثمان نوری بن حسن تحسینک جنایت محکمه سنده محاکمه سی اجرا قلنق اوزره قانون جزانک ایکي یوز اوتوزنجی ماده سی علاوه سنك فقره اولاسی موجبیه ایکي یوز یکر منجی ماده سنه توفیقاً جنایتله اتهامیه قرار ویرلر یکنندن مته م مرقومک هر زرده کور بلورسه طوتیلوب محکمه مذکورده توقیفخانه سنه تسلیمی لازم کله جکی بالجله ضابطه عدلیه بالجله ضابطه عدلیه مأمورلرینک معلومی اولق اوزره اشبو اخذ وکرفت امری درسعادت هیئت اتهامیه سندن بالتنظیم اعطا قلندی .

اشبو اخذ وکرفت مذکره سی درسعادت هیئت اتهامیه سندن بالتنظیم اعطا قلندی .

حسن ومحمدک لیلاً اوکنه چیقوب اچمه سی اخذ وغصب ایلدیکری ادعاسیله مظنون علیه اولوب اليوم حال فرارده بولنان اوصاف واشکالی غیر مضبوط قره یقه لی نامیله معروف قدیرک اصول محاکمات جزائییه قانوننک مواد مخصوصه سی احکامه توفیقاً سائر رقابسیله برابر درسعادت جنایت محکمه سنده محاکمه لری اجرا قلنق اوزره قانون جزانک التمش ایکنجی ماده سنك علاوه سی موجبیه مرقومک جنایتله اتهامیه قرار ویرلر یکنندن مته م مرقومک هر زرده کور بلورسه طوتیلوب محکمه مذکورده توقیفخانه سنه تسلیمی لازم کله جکی بالجله ضابطه عدلیه مأمورلرینک معلومی اولق اوزره اشبو اخذ وکرفت مذکره سی درسعادت هیئت اتهامیه سندن بالتنظیم اعطا قلندی .

تیور نام شخصک اوکنه چیقوب معامله جبر و شدت اجراسیله اچمه سی غصب ایلدیکری ادعاسیله مظنون اولوب غیر موقوف بولنان اورته بولی سیاه صاچ وقاش وکوزلی و آزیبقلی ، متناسب اغزلی والن وبرونلی مطروش چکلی ، اسمر بکزیلی علی واوزون بولی سیاه صاچ وقاش وکوزلی و تر بیقلی دودز آللی اوزون برون ومتناسب اغزلی مطروش چکلی ، اسمر بکزیلی ولی واورته بوی وبرونلی مطروش بغدادی بکزیلی ابراهیم نام دیگر عدیقلک اصول محاکمات جزائییه قانوننک ماده مخصوصه سنه توفیقاً جنایت محکمه سنده محاکمه لری اجرا قلنق اوزره قانون جزانک ایکي یوز سکزنجی ماده سنك فقره اخیریه سی موجبیه اتهاملرینه قرار ویرلر یکنندن مته م مرقومونک هر زرده کور بلورلرسه طوتیلوب محکمه مذکورده توقیفخانه سنه نقل وتسلیملری لازم کله جکی بالجله ضابطه عدلیه مأمورلرینک معلومی اولق اوزره اشبو اخذ وکرفت امری درسعادت هیئت اتهامیه سندن بالتنظیم اعطا قلندی .

بشکطاشده کائن قورشوخانه اتبارینه سرق قصصیده کبردیکی ادعاسیله مظنون علیه اولوب اورته کوبده چیلک ترلارلرنده چپاجلیق ایدن و غیر موقوف بولنان اورته بولی ، قره قاش وکوزلی ومتناسب اغز وبرونلی بشکطاش طرفنده اقامت ایدن اسمی مجهول دلمیر نام شخصک اصول محاکمات جزائییه قانوننک ماده مخصوصه سنه توفیقاً جنایت محکمه سنده محاکمه سی اجرا قلنق اوزره قانون

جزانك ايكیوز اوتوزنجی ماده سی ذیلی موجبجه ايكیوز یکرمنجی ماده سنه توفیقاً جنایتله اتهامه قرار ویرلیدکندن متهم مرقومک هرزده کوریلور ایسه طوتیلوب محکمه مذکوره توقیفخانه سنه تسلیمی لازم کله چکی بالجله ضابطه عدلیه مأمورلرینک معلومی اولمق اوزره اشبو اخذ و گرفت امری درسعادت هیئت اتهامیه سندن بالتظیم اعطا قلندی.

بیك اوجیوز اون الی سنه سی کانون نایسینک طقوزنجی کیجه سی ساعت سکر بچق راده لرده بك اوغلنده غامیر ونوس بیره خانه سنده پولیس قومیسری صالح افندی به قتل قصدیه روولور آدیغی ادعاسیله مظنون علیه اولوب غیر موقوف بولنان حیدر پاشاده انکلیر مزارلغی یاننده بر خانه ده مسافره ساکن اوزون بویلی، لیسقه صاچلی، صاری قاش و بیقلی والا کوزلی، مدور آنسلی، اوفق برون و اغزلی مطروش اسمر بکزی دیون عمومیه خدمه سندن اوتوز بش یاشنده بوسه لی یوسف بن حاجی مصطفانک اصول محاکات جزائیة قانوننک مواد مخصوصه سی احکامه توفیقاً جنایت محکمه سنده محاکمه سی اجرا قانمق اوزره قانون جزانک یوز سکسانجی ماده سنک علاوه سی موجبجه جنایتله اتهامه قرار ویرلیدکندن متهم مرقومک هرزده کوریلور سه طوتیلوب محکمه مذکوره توقیفخانه سنه تسلیمی لازم کله چکی بالجله ضابطه عدلیه مأمورلرینک معلومی اولمق اوزره اشبو اخذ و گرفت مذکره سی درسعادت هیئت اتهامیه سندن بالتظیم اعطا قلندی.

ایکنجی محکمه نجامه سنه :

شهزاده باشنده ساکن ایکن ایکنجی محکمه تجارتدن افلاسنه حکم اولنش اولان تحفجی صادق حلمی افدینک ذمتده آله جغنی اثبات ویا موقتاً قبول وقید ایتدیرمش اولان آله جقلولرک قانوننامه تجارتک اکیوز اون برنجی و آتی ولی ایدن ماده سی موجبجه مفلس طرفندن تکلیف اوله جق قوتقوداتونک مذاکره سی ایچون اشبو بیك اوجیوز اون سکر سنه سی جزیرانک بشنجی چهارشنبه کونده محکمه مذکوره نك افلاس اوطنه سنه کلیری اعلان اولنور.

اسماعیل پاشا خاندن ساکن تجارتدن کورقور آلتانقین طرفندن مقدما یکی جامع شریف حولیسند بر دکانده اجرای تجارت ایتکده ایکن الیوم اقامتکاهی مجهول بولندیغی خبر ویریلان قوری قهوه چی سرکر آغویان علیه نه درسعادت ایکنجی تجارت محکمه سنده اقامه ایدیلان تیش یدی بچق عسدد عثمانلی لیراسی

مطلوبات دعواسی بیك اوجیوز اون سکر سنه سی جزیرانک اونجی بازار ایرتسی کونی ساعت التیده فصل ورؤیت اوله جغسندن یوم ووقت مزبورده مدعی علیه مرقوم سرکر آغویانک بالذات محکمه مذکوره ده حاضر بولنسی ویاخود مصدق سندله بر وکیل کوندرمسی لازم کله چکی و شاید کز و وکیل کوندرمز ایسه حتنده معامله غیاییه اجرا قلنه جنی معلوم اولمق اوزره تنظیم اولنان دعوتیه ورقه سی محکمه نك دیوانخانه سنه تعلیق اولندیغی کی اوراق حوادث واسطه سیله دخی اعلان قلندی.

اعلامات نظامیه اجرا داره سنده :

تلغراف وپوسته نظارت بهیه سنک درسعادت پوسته خانه سی امانات موروده مأمور سابق حایم بك ذمتده شورای دولت استیناف محکمه سندن اعطا قلنان بر قطعه اعلام منظوقجه محکوم به مطلوبی بولنان مبالغه تأمین استیفاسی ایچون مدیون مومی الیهک عهده تصرفده اولوب نظارت مشار انیها طرفندن محجوز بولنان املاکندن قاضی قریبه سنده عثمان آغا محله سنده دوز زقاده کائن تخمیناً سکسان بش آرشون مقدا رنده یکر می ایکی نومرولی محترق بر باب منزل عرصه سنک تمامی وینه محل مذکوره تخمیناً یوز یکر می بش آرشون مقدا رنده یکر می الی نومرولی محترق دیگر عرصه سنک نصفی وینه نظارت مشار الیهانک قارنیک افندی ذمتده محکمه مشار الیه اعلامیه محکوم به آلاجنی اولان مبالغه تأمین استیفاسی ایچون مومی الیه قارنیک افدینک عهده سنده بولنان صالمه طمر قده کفوی محله سنده صراف زقاغنده کائن تخمیناً یوز اون آرشون عرصه اوزرینه قوقانی وحتانی یدی اوطنه بر مطبخ وایکی قیو وایکی مخزن و تخمیناً درتیوز آرشونی متجاوز بانجی حای یکر می الی نومرولی بر باب خانه تمامنک تاریخ اعلاندن اعتباراً اون بش کون صکره بالمزایده فروختلرینه تشبث ایدیله چکی درسعادت اعلامات نظامیه اجرا داره سندن اعلان اولنور.

محکمه تجارت اجرا داره سنده :

روسیه دولتی تبعه سندن قره بت رئیسانک عزتلو رفیق بك ذمتده محکوم به مطلوبنک تأمین استیفاسی ضمنده داین نزدنده مرهون بولنان مع قوش بروش و بر چفت الماس کوبه اشبو جزیران رومینک دردنجی و بشنجی والتنجی کونلری ساعت التیدن سکره قدر بدستان دروننده بلوکباشیلره مخصوص اوطنه ده مأ موری حضورنده بالمزایده فروخت اوله جغسندن

اشراسنه طالب اولنلرک ودها زیاده معلومات آلمق ایستیانلرک ایام و اوقات مذکوره ده محل مزبورده حاضر بولنلری محکمه تجارت اجرا داره سندن اعلان اولنور.

بك اوغلی بدایت محکمه سی اجرا داره سنده :

فولیک قادینک کتایجی آرا کل افندی ذمتده محکوم به آلاجنی اولان معلوم المقدار مبالغه تأمین استیفاسی ضمنده مدیون مومی الیه عائد اولوب جز آتته النان باب عالی جاده سنده واقع ناخیکیان افدینک تحت استیجارنده بولنان قرق الی نومرولی مروت کتبخانه سی دروننده بولنان ایکی یازو خانه و متحرک و غیر متحرک اون بر عدد جامکان و بر عدد آصمه کیر چالار ساعت و دکانک درت طرفه موضوع تحتدن کیر پارمقلق وکذک مدیون مومی الیه عائد اولوب کتبخانه مذکورک اتصاننده واقع قرق سکر نومرولی مطبعه سنده کی بر عدد کیر کهنه جامکانی طولاب و بیك جزو طرز جدید اوزره (القا) والی یوز عدد (تعلیم قرائت) کتابلرندن مذکور الی یوز عدد (تعلیم قرائت) کتابلری مقدما تحت حجزه آلهرق تجارت اجرا داره سنجه فروخت اوله جغی اشعار قلنمش اولدیغندن اندن ماعداسنک سنه حالیه جزیرانک اوجنجی بازار ایرتسی کونی ساعت درت قرارلرنده سالف الذکر کتبخانه و مطبعه پیشکاهنده بالمزایده فروخت اوله جغی بك اوغلی بدایت محکمه سی اجرا داره سندن اعلان اولنور.

پلونه لی جلب محمد افدینک غیوتی حکماً تحقق ایدن قره کین مرادوریان ذمتده با اعلام محکوم به آلاجنی اولان معلوم المقدار مبالغه تأمین استیفاسی ضمنده غلطه ده کاکنکس محله سنده طوبیجیلر جاده سنده ۳۱ و ۳۳ و ۳۷ نومرولر الیه مرقم اوج باب مغازه یی مشتمل ۳۵ نومرولی دکرمان خاننک ایاصوفیه کیر و بکتاش افندی و قفلرندن ملکله دروننده مستقر بر وجه ملکیت کدکی اولهرق ملک وکدک الی حصه اعتباریه بر حصه سندن یعنی یکر می درت سهم ترتیبیه درت سهمندن بر سهم حصه شایعه سی حجز آتته آلمش اولغله تاریخ اعلاندن اعتباراً اوتوز برکون طرفنده اثبات وجود ایدرک ینه دینک تسویه سنه بر صورت کوسترمیدیکی حالد محجوز اولان حصه مذکوره سنک بالمزایده فروخته تشبث اوله جغی بك اوغلی بدایت محکمه سی اجرا داره سندن اعلان اولنور.